



Broj: 03/1-50-14-7-40-5/17

Sarajevo, 23.10.2017.

PREDMET: Informacija o održanoj prezentaciji Priručnika o međunarodnom humanitarnom pravu, Parlamentarna skupština BiH, 21.9.2017.

Zajедничка komisija za odbranu i sigurnost BiH i Zajедничка komisija za ljudska prava, u saradnji s Uredom Međunarodnog komiteta Crvenog križa (MKCK), 21.9.2017. je u PSBiH održala prezentaciju Priručnika o međunarodnom humanitarnom pravu za parlamentarce.

Prezentaciji su prisustvovali Sifet Podžić, predsjedavajući, i Hazim Rančić, član Zajедничке komisije za odbranu i sigurnost BiH, kao i članovi oba doma PSBiH i parlamentarni vojni povjerenik BiH, te više od 30 predstavnika svih nivoa zakonodavne i izvršne vlasti u BiH, kao i međunarodnih i nevladinih organizacija u BiH.

Skup su otvorili Sifet Podžić, predsjedavajući Zajедничке komisije za odbranu i sigurnost BiH, Martin Raguž, u ime Zajедничке komisije za ljudska prava, i Željko Filipović, šef delegacije MKCK u BiH.

Naglašavajući potrebu primjene međunarodnog humanitarnog prava u svim institucijama vlasti u našoj zemlji, predsjedavajući Zajедничке komisije za odbranu i sigurnost BiH Sifet Podžić naglasio je da prezentirani priručnik pruža brojna korisna tumačenja u ovoj oblasti, a naročito u vezi s pitanjem mjera koje parlamentarci trebaju preduzeti s ciljem izgradnje sveobuhvatnog zakonskog okvira na državnom nivou. Podžić je zaključio da pojedini sadržaji i teme koji su obuhvaćeni ovim priručnikom predstavnicima institucija zakonodavne vlasti mogu predstavljati neku vrstu podsjetnika za sve aktivnosti koje imaju u okviru djelovanja u radnim tijelima – komisijama i odborima, kao i prilikom učešća u međunarodnim aktivnostima parlamentarnih delegacija.

Član Zajедничке komisije za ljudska prava Martin Raguž istaknuo je da je ovaj priručnik rezultat dugogodišnje saradnje i partnerstva Interparlamentarne unije i Međunarodnog komiteta Crvenog križa, čuvara i promotora međunarodnog humanitarnog prava. Naglasio je da je provođenje međunarodnog humanitarnog prava prva i glavna obaveza država, te naveo da države moraju preduzeti brojne zakonske i praktične mjere kako bi se osiguralo poštivanje međunarodnog humanitarnog prava. Raguž je zaključio da danas u svijetu nedostaje svijesti o poštivanju međunarodnog humanitarnog prava, što dodatno motivira predstavnike institucija vlasti u BiH da konstantno ukazuju na značaj ove oblasti prava.

Učesnicima prezentacije obratio se i šef delegacije MKCK u BiH Željko Filipović, a potom je vođena o izazovima s kojima se danas susreće međunarodno humanitarno pravo, posebno u vezi s novim tehnologijama, terorizmom, kao i sa izbjegličkom krizom i pitanjem interno raseljenih osoba.

Predstavljeni Priručnik o međunarodnom humanitarnom pravu, koji se bavi potrebama zemalja pogođenih oružanim sukobom, posebno je namijenjen parlamentarcima radi njihovog upoznavanja sa osnovnim principima prava o oružanom sukobu i davanju uputa o načinu na koji mogu efikasno doprinijeti njihovom poštivanju i daljnjoj promociji.

Predsjedavajući Zajedničke komisije

Sifet Podžić

Dostavljeno:

- naslovu
- a/a